

Nicolaus Schütze

**Programma Quo Rector Academiae Rostochiensis Nicolaus Schütze/ I.U.D. &  
Prof. ac p.t. Iuridicae Facultatis Decanus ad piam & devotam Resurrectionis  
Christi meditationem Omnes omnium ordinum Cives Academicos sedulo invitat  
& exhortatur**

Rostochi[i]: Kilius, 1646

<http://purl.uni-rostock.de/rosdok/ppn734817037>

Druck Freier  Zugang



RU Progr. 1645 + 1646

1) Johann Quistorp

2) " "

3) Herr. Schuckmann

4) " "

5) Johann Quistorp

6) Schütze 1646 Bacchanal

7) " " resurrexio



*Spil*

PROGRAMMA

*Quo*

RECTOR

ACADEMIÆ ROSTOCHIENSIS

NICOLAUS Schütze / J.U.D.

& Prof. ac p. t. Juridicæ Facultatis

DECANUS

*ad*

*piam & devotam*

RESURRECTIONIS CHRISTI

meditationem

*Omnes omnium ordinum Cives Academicos  
sedulo invitans & exhortatur*

•••••

ROSTOCHI,

*Typi NICOLAI KILLI, Acad: Typogr. Anno 1646.*



**S**æpe vana pro veris, cum-  
maximè in bello valere, nemo opi-  
nor ignorat. Inter alia vel principem  
locum simulatio victoriæ atque tri-  
umphi obtinet. Quæ tamen, si prudenter & suo  
loco adhibetur, inter belli furta (sic Brasidas a-  
pud Thucydidem appositè strategemata vocat)  
numeranda venit; secus, non tantum inutilis, ve-  
rum etiam inanis omnino & ridicula est. Nam,  
ut Comici verbis utar;

doli non sunt doli, nisi astu colas.

Exempla eorum qui victoriam ineptè simula-  
runt, apud auctores passim occurrunt. De Cali-  
gula, pessimo illo optimi parentis filio, inter alia  
Suetonius: Conversus, ait, ad curam triumphi Ca-  
ligula, præter captivos & transfugas barbaros,  
Galliarum quoque procerissimum quemque, &  
(ut ipse dicebat) ἄξιόθριάμβευτον, ac nonnullos ex  
principibus legit atque seposuit ad pompam:  
coegitque non tantum rutilare & summittere  
comam, sed & Germanicum sermonem addisce-  
re, & nomina barbarica ferre. Atque hoc exem-  
plo suo ridiculo ad similem insaniam Domitia-  
no

no illi Flaviæ gentis opprobrio, præiuit. De quo prudentiæ magister Tacitus in vita Agricolæ socreri sui; derisui fuit nuper falsus è Germania triumphus, emtis per commercia, quorum habitus & crines in captivorum speciem formarentur. Cujus triumphi vanitatem etiam Plinius sugillat in Panegyrico quem optimo Principum Trajano dixit. Nimirum hoc illud est, quod in libello de situ moribusque Germanorum sagacissimus Corn. Tacitus scribit: Germanos à Romanis triumphatos magis, quàm victos fuisse. Triumphus autem, quem Rex regum, & Dominus dominantium CHRISTUS JESUS, obstupescendum terris omnibus ac cœlis, è subjugato mortis atque dæmonum efferatissimorum imperio hodie egit, longè aliter sese habet Quippe infensissimi generis humani hostes à Conservatore nostro & triumphati verè & victi sunt. Deploratæ, immo nullius esset fidei, itaque nec Christianus, & salute sua periclitaretur, immo crimen læsæ majestatis committeret, qui de triumpho hujus certitudine vel minimum dubitaret. Omnino fractum est caput Draconis: omnino Leviathan contritus: Behimot immensū animal ac potens, omnino eversum: omnino mors quæ in omnem jam carnem regnum obtinebat, calcata & ejecta est, ut ex certa rerum fide admiratio procedat.

Nihil heic simulari aut fingi; nec triumphari in  
speciem, abunde & sacræ literæ & victi ipsi testan-  
tur. Fremit atque indignatur infernus: præda  
ducitur antiquus ille serpens, cum pestilentissi-  
ma inferorum cohorte. Qui antehac universo  
terrarum orbi cruces ac tormenta, malum &  
mortem minabantur, nocere amplius nesciunt.  
Victoria, victoria! Vera, & sine exceptione victo-  
ria! Eant nunc & debacchantes dicant Judæi, ali-  
quando se CHRISTUM in crucem egisse: ege-  
runt sane, sine consilio, sine prudentia, sine  
mente. Sed qui nunc frementibus ipsis & exsili-  
um suum frustra deplorantibus gloriosissime  
triumphat, Jactent Romani illi rerum domini  
triumphos, quos ex hostibus suis victores ege-  
runt. Vicerint Cimbros, sed vinci tunc faciles:  
vicerint Persas, sed superbos. Quod vitium plus  
sæpe nocuit, quàm hostium vires. At qualem &  
quantum pedibus conculcavit Sospitator noster  
tyrannum? tolle barbarum illum atque crude-  
lissimum Agrigentinum tyrannum, qui imma-  
nissimo tauro & accensis ignibus miseros morta-  
les cruciasse dicitur. Tolle Busirida atrocissimū,  
qui hospites suos diis immolabat; Crudelior ma-  
gis in nos sævit non homo, sed juratus humani  
generis hostis Satanus, cui infando capiti debel-  
lando totus terrarū orbis non erat. Victoria qui-  
dem

dem ingenti labore constitit, verū quantum onus  
erat, quod certè maximum, unus tamen omne, &  
strenui militis & boni imperatoris officia simul e-  
xecutus, exantlavit Servator noster. Summum  
illud & magnificentissimum triumphi decus a-  
pud Romuli nepotes iis tantum olim concede-  
batur, qui hostium quinque millia una acie ceci-  
dissent, Romani imperii fines ampliassent, ac  
nonnisi cum publica Dictatoris aut Consulis aut  
Prætoris auctoritate res gessissent. Quod si ad  
humanæ prudentiæ leges divini triumphi merita  
ponderare nobis fas sit, cujus honoris ac trium-  
phi justiores unquam extitisse causas dicemus!  
Victor æterni Patris æternus est filius, DEI pri-  
mogenitus, creator orbis, rex Israelis. Nec de-  
sunt mandati publici tabulæ, quas à Patre suo cœ-  
lesti accepit. Quin quod Principes tenebrarum  
hostes nostros, dæmonum crudelissimorum,  
multitudinem infinitam confregit, fines populi  
DEI amplificavit, orbem universum Patris impe-  
rio subjecit, hominem DEO conciliavit, eumque  
amplissima atque æterna simul hereditate dona-  
vit. Triumphum maximum decus olim erat captus  
imperator hostiū Heic mors & Satan, qui tunc  
rerum potiebantur, quorum ubique simulacra  
& aræ, ubique vexilla, tropæa, triumphales arcus  
fulgebant, vincti manus & pedes, exuti potestate



sua exitio suo parentant, quorū conditioni Christianorum ordo ignominiosè illudit: ubi mors aculeus tuus? ubi inferne victoria tua? Cæterum moris etiam fuisse legimus, ut triumphans secum in curru haberet filios & cognatos suos. Nos vero maxima pars triumphi CHRISTI sumus. Nempe salutis nostræ negocium in resurrectione demum confectum fuit. Frustra induisset humanam carnem, frustra passus fuisset & mortuus, nisi surrexisset etiam de morte, & nos omnes secum sublevasset in altum. Nam cum ille resurrexit, nec de nostra resurrectione quidquam dubitare possumus. Ille caput nostrum est, nos membra. Sequi autem membra necesse est, quò caput præivit. Spectacula triumphorum oblectabant eos duntaxat qui Romæ agebant; ex hoc universus Christianorum orbis habet, de quo æternum gaudeat. Olim imperatores curru sublimi magnificè exornato vehébantur: Servator noster augustus nube vehitur. Illi ad Capitolium ducebantur; Nostrum aula cælorum excipit. Illi tandem vita functi terræ mandabantur; Noster vero postquam semel mortem prostravit, sub pedibus & terram & sepulcrum suum oculis tuetur. Cæsar quinquies triumphator dona militibus ac populo distribuebat: hic ab infernis potestatibus & morte nos vindicavit sibi ac redemit, chirographum

phum Diabolo ereptum discerpsit, cœlum vero clausum hæctenus ac obseratum aperuit. Summarim: peccatum sustulit è mundo, peccatorem sustulit in cœlum. O gloriam, o benignitatem nullis verbis, nulla hominis oratione exprimendam!

Qui olim ad spectaculum confluxerant, omnes velut in publica eaque lætissima felicitate, cum gratulatione & applausu pompam spectabant; nuncupatis denique in Capitolio votis gratiarum actionem Diis suis solemniter perfolvebant. Agite igitur & vos, Cives Academici, cordium vestrorum capitolia aperite, excipite triumphantem Servatorem nostrum, & spectate oculis non corporis cum Thoma, verum fidei, qui sunt instrumenta vitæ, perspicilla seculi futuri. Animis, inquam, Triumphatori applaudite, ore acclamate IO TRIUMPHE! Hoc ipsi denegare impietatis esset insanæ; hoc vero illi concedere justitiæ est & gratitudinis sempiternæ. Videmus amorem Domini ac DEI nostri immensum, amorem sine modo, amorem sine fine. Alphonfus rex Hispaniarum, symboli loco, Pelicanum fodientem rostro pectus & elicientem sanguinem ad pullos pascendos pingi curavit, addito epigrammate: PRO LEGE ET PRO GREGE. Pangamus etiam nos triumphatori nostro divinissimo vexillum cum hac inscriptione: VICIT LEO DE TRIBU JUDA, ET  
CAP.

CAPTIVOS DUXIT HOSTES. ET VERO ET-  
IAMNUM REGNAT, VINCIT, TRIUMPHAT.  
Erigebantur olim columnæ & arcus triumphales.  
Agite & nos suspendamus aram memoriæ, addito  
arcu triumphali, & in medio aræ hoc ἑπιτίμιον inscribi  
mandemus: NUNC FACTA SALUS ET CHRIS-  
TO VIRTUS, ET REGNUM DEI NOSTRI ET  
POTESTAS CHRISTI EJUS; QUIA DEJECTUS  
EST ACCUSATOR FRATRUM NOSTRO-  
RUM, QUI ACCUSABAT EOS ANTE CON-  
SPECTUM NOSTRUM DIE AC NOCTE.  
Verbis Poetæ

*Nunc agite castis turba docta honoribus  
Maestrate festivum diem.*

*Sacra immolate, & innocentes victimas  
Lingua atque puri pectoris*

*Offerte CHRISTO, qui resurgens hoc die  
Nos fecit olim surgere,*

*Et post caduci corporis creperas vices  
Cælo potiri jugiter.*

Bonam, inquam, militiam militate, bonam consci-  
entiam retinete, coronamque vitæ reportate; quam  
ut reportetis, operæ precium est prius cum CHRIS-  
TO Resurgere. CUM CHRISTO enim  
RESURGERE VITA EST. P. P. Ro-  
stoch. die Paschatos An, clō lō  
XLVI.







te. Apostolus Paulus fidus Cl  
geminat abijciamus opera ten  
mur armis lucis, sicut in die h  
non in commestationibus & ebr  
bilibus & impudicitis, non in co  
latione. sed induimini dominum  
& carnis curam ne feceritis in  
nobis inculcat hinc inde Spi  
sacro codice. Quæro ex te  
stianus dici affectas, cui nam  
cujus monitis parere debeat  
no & Salvatori, qui te carè  
te sanctificavit, & Spiritu S  
minibus, an diabolo hum  
infensissimo, carni in exitiu  
do concitato cursu in infern  
O impietatem omni sermon  
Deum vindicem justissimum  
omnis generis plagas, quib  
mania vastatur attraxit, quæ  
tentia seria averterimus, exit  
rietur. Usurpat Ecclesia hinc  
riam patientis Christi, sicut  
vincula conjectum, ad inju  
tractum, colaphis male tra  
turpatum, virgis cæsum, spi  
in crucem actum, clavis conf



the scale towards document

ster in  
indua  
lemus,  
in in cu  
Samu  
ristum,  
similia  
tus in  
s Chri  
ebere,  
Domi  
tui qui  
nis ho  
s hosti  
mun  
eranti?  
Quæ  
& quæ  
a Ger  
i pæni  
um so  
nemo  
lum in  
es per  
to de  
atum,  
ta per  
iossum